

Galicari Arkeologi Tapak Gendang Dong Son di Kampung Gaung, Jerteh, Terengganu

by

NIK HASSAN SUHAIMI BIN NIK ABD. RAHMAN* &

CHE MUHAMAD AZMI NGAH*

Pengenalan

Projek Galicari Arkeologi di Kampung Gaung Jerteh telah dijalankan sepanjang bulan Jun 1996 dan melibatkan tiga institusi: Jabatan Muzium dan Antikuiti, Jabatan Sejarah UKM dan Muzium Negeri Terengganu.

Kerja-kerja galicari arkeologi ini dibiayai oleh Jabatan Muzium dan Antikuiti, Muzium Negeri Terengganu dan UKM. Tercetusnya rancangan/program galicari ini adalah hasil laporan jumpaan beberapa artifek oleh penduduk kampung pada 11 Mei 1996. Artifek-artifek berkenaan ditemui ketika penduduk kampung bergotong-royong menggali kubur berikutan kematian seorang daripada penduduk setempat. Antara artifek yang ditemui ialah beberapa buah alat tembikar tanah, alat besi bersoket, bijana tembaga dan sebuah Gendang Dong Son. Artifek ini telah diserahkan kepada Muzium Negeri Terengganu.

Latarbelakang Lokasi

Kampung Gaung terletak kira-kira dua (2) kilometer dari pusat bandar Jerteh ditebing sebuah Sungai Mati. Kampung ini mula diterokai kira-kira 70 tahun lalu. Terdapat kira-kira 50 keluarga penempatan di kampung ini dan rumah tertumpu berhampiran kiri dan kanan jalan sahaja. Walaupun berhampiran dengan

* Penulis adalah dari UKM dan Lembaga Muzium Negeri Terengganu.



Salah seorang penduduk Kampung Gaung sedang menyerahkan bijana gangsa kepada Pengarah Muzium Negeri Terengganu pada 15 Mei 1996.



Bijana gangsa yang ditemui di Kampung Gaung, Jerteh, Besut pada 11 Mei 1996 oleh penduduk kampung.

bandar kampung ini masih mampu mengekalkan identiti kampung tradisional Melayu. Aktiviti utama penduduk di sini tertumpu kepada hasil tanaman seperti getah, tembakau dan durian di samping ternakan lembu. Terdapat sebahagian kecil penduduk yang bekerja makan gaji di jabatan kerajaan atau buruh swasta.

Sementara itu tapak galicari terletak di pintu masuk ke kampung berkenaan iaitu tanah kubur bagi penduduk setempat. Kubur berkenaan baru lima tahun digunakan setelah tapak kubur lama sudah penuh. Tapak kubur lama ini terletak berhampiran kebun getah. Terdapat kira-kira 60 kubur di tapak baru ini yang mempunyai keluasan kira-kira 0.75 hektar.

Permukaan tanah kawasan ini berpasir dan sebahagiannya tanah berlumpur. Sekitar kawasan ini terdapat banyak busut (timbunan tanah tinggi) yang cukup unik.

Kerja-kerja Galicari Arkeologi

Maklumat Awal

Pada 14 Mei 1996 Muzium Negeri Terengganu menerima maklumat mengenai penduduk kampung telah menjumpai barang purba ketika menggali kubur. Justeru itu Pengarah Muzium, Encik Mohd Yusof Abdullah dan beberapa orang kakitangan Muzium Negeri telah pergi ke Kampung Gaung untuk mendapatkan maklumat lanjut pada 15 Mei 1996. Penduduk kampung telah memberi kerjasama penuh dengan menunjukkan jumpaan yang mereka perolehi. Antara barang yang ditunjuk dan diserahkan kepada pihak Muzium ialah muka gendang dan badan gendang Dong Son yang tercerai, alat bersoket, beberapa biji tembikar tanah yang masih elok, serpihan-serpihan tembikar tanah dan bijana tembaga.

Daripada maklumat yang diperolehi, penduduk kampung menjumpainya ketika menggali sedalam kira-kira enam (6) kaki. Mereka mulanya menjumpai gendang gangsa (Dong Son). Di dalam gendang itu pula terdapat 4 biji bekas tembikar tanah. Bagaimanapun artifek-artifek berkenaan sebahagian besarnya telah dipecahkan dengan cangkul. Mereka percaya jika tidak dipecahkan barang berharga seperti emas akan 'lari' (hilang) jika 'sarang' itu tidak dipecahkan.

Proses Galicari

Pasukan galicari mula membuat kerja-kerja pembersihan dan pengukuran tapak untuk membuka petak (trench) pada 3 Jun, 1996. Pada 5 Jun 1996 dua petak dibuka iaitu petak 'A' dan petak 'C' secara menyilang. Keluasan setiap petak ialah 2.0 m x 2.0 m.

Sebahagian daripada petak 'A' adalah tanah terganggu ekoran penggalian kubur yang dilakukan oleh penduduk kampung sebelum itu. Bagaimanapun lubang itu tidak digunakan dan ditimbus kembali selepas jumpaan artifek gendang Dong Son dan tembikar tanah. Petak 'C' pula adalah tanah yang belum terganggu. Penggalian dimulakan dengan spit 10 cm dan jarak petak 'A' dari datum line adalah +20 cm dan petak 'C' pula +30 cm.



Kerja-kerja pengukuran tapak sebelum melakukan galicari di Kampung Gaung, Jerteh, Besut, Terengganu pada 3 Jun 1996.

Permukaan petak 'C' keras kerana terdapat akar-akar lalang dan tanah berpasir yang kering. Bagaimanapun keadaan tanah mula lembut pada permukaan spit 4. Bagaimanapun pada petak ini tiada sebarang jumpaan diperolehi sehingga penggalian dihentikan pada kedalaman 210 cm dari permukaan tanah.

Pada petak 'A' pula permukaan tanah pada kuadron 1 dan 2 adalah lembut akibat tanah terganggu manakala kuadron 3 dan 4 adalah keras. Pada spit 3 sudah terdapat beberapa jumpaan serpihan tembikar tanah pada kuadron lapisan tanah terganggu. Serpihan-serpihan kecil juga turut dijumpai hasil 'ayakan' terutama pada bahagian tanah terganggu. Keadaan ini berlaku kerana pecahan-pecahan tembikar tanah ditimbus semula bersama pasir oleh penduduk kampung setelah lubang itu rosak dan tidak boleh digunakan untuk pengebumian. Oleh itu ia mungkin dapat dikategorikan ssebagai 'chance find' kerana keadaan tanah terganggu tidak dapat dikira berdasar lapisan tanah.

Seterusnya pada spit 17 (170 cm) pada kuadron 2, dipetak 'A' dijumpai 3 biji manik yang berlainan saiz hasil ayakan. Pada spit 18, hasil ayakan tanah pada kuadron 2 juga telah menjumpai lebih banyak manik dan lima (5) biji emas berbentuk kun. Manik yang dijumpai berbagai saiz dan warna manakala emas kun hampir sama saiznya.

Pada 10 Jun 1996 petak 'C' dihentikan penggalian kedalaman 210 cm dari permukaan. Sebagai ganti petak '1A' dan '1D' dibuka.

Sementara itu, ayak pada petak 'A' diteruskan. Terdapat jumpaan manik berbagai saiz dan warna pada spit 19 dan 20. Bagaimanapun tiada jumpaan pada petak-petak lain. Keadaan tanah yang lembut berpasir sungai memudahkan kerja-kerja penggalian. Dalam pada itu, keadaan ini juga turut mendatangkan masalah apabila berlaku hujan lebat pada 21 Jun 1996. Tebing-tebing tanah runtuh dengan mudahnya pada petak 'A', '1A' dan '1D'. Runtuhan tanah yang agak teruk ini menyebabkan kerja-kerja penggalian terganggu. Sebagai alternatif, papan lapis digunakan bagi menyekat runtuhan yang lebih teruk. Keadaan ini tahan seketika namun keesukkan harinya runtuhan semakin kuat akibat hujan lebat pada malam hari menyebabkan tebing petak 'A', '1A' dan '1D' melengkung dan tanahnya memenuhi lubang. Kerja-kerja pembersihan terpaksa diulang.

Serentak itu, dua buah petak lagi dibuka berhampiran busut (bukit kecil) yang dijangkakan berpotensi. Beberapa orang ditugaskan menggali petak baru (petak '2B' dan '2D') manakala sebahagian lagi meneruskan kerja-kerja pembersihan petak yang mengalami runtuhan tanah.

Kerja-kerja membersihkan runtuhan tanah agak rumit diselarikan dengan kerja-kerja pengukuhan tebing. Tanah yang dibersihkan diayak terlebih dahulu sebelum dibuang. Petak-petak lain tidak menunjukkan sebarang potensi. Jumpaan setakat ini hanya pada petak 'A' sahaja. Kerja-kerja pembersihan agak selesai pada 17 Jun



Tapak penggalian terpaksa dipasang dengan kepingan plywood untuk mengelakkan tanah runtuh ketika penggalian dijalankan di Kampung Gaung, Jerteh, Besut, Terengganu pada Jun 1996.

1966 dan penggalian di petak 'A' diteruskan pada permukaan spit 19. Pada kedalaman ini dijumpai 2 biji emas berbentuk daun dan juga besi (tulang mawas) yang sudah berkarat seperti mata lembing.

Penggalian yang dilakukan cukup berhati-hati dan diselang-seli dengan kerja-kerja pengukuhan semua tebing. Keadaan semakin teruk apabila tanah semakin longgar dan lembut akibat hujan yang berterusan pada sebelah malam.

Pada 21 Jun 1996 manik banyak dijumpai hasil ayakan dan turut dijumpai satu emas kun yang patah.



Pengayak terpaksa digunakan untuk mendapatkan manik-manik.

Berdasarkan pada penelitian pasir (tanah) yang diayak emas banyak terdapat pada pasir yang diambil dari kuadron 1 dan 2 menghala ke arah kubur. Kubur yang dimaksudkan itu adalah kubur budak lelaki yang dikebumikan pada keadalaman kira-kira empat (4) kaki dan berkemungkinan besar di bawah keranda budak berkenaan masih terdapat jumpaan lain. Bagaimanapun penggalian tidak diteruskan sehingga membabitkan kubur budak berkenaan yang jarak dari petak 'A' hanyalah kira-kira 0.5 meter. Ini kerana jika diteruskan penggalian ke arah kubur berkenaan besar kemungkinan kubur berkenaan akan terjejas ekoran keadaan tanah yang cepat runtuh.


Sementara itu petak-petak lain tidak menghasilkan sebarang jumpaan. Justeru itu satu lagi petak dibuka iaitu petak '1A'. Cubaan ini dilakukan bertujuan mengesan

sebuah lagi gendang Dong Son. Ini kerana berdasarkan jumpaan yang lalu gendang Dong Son biasanya dijumpai sepasang seperti di batu Burok, Kuala Terengganu dan Sungai Lang, Selangor. Bagaimanapun tiada jumpaan dan kebanyakan petak dihentikan penggalian pada kedalaman 210 cm termasuk petak 'A'. Pada kedalaman ini tanah agak basah dan sudah terlalu hampir kepada paras air bawah tanah. Bagaimanapun pencarian satu lagi gendang Dong Son tidak tercapai dan projek ini seharusnya disambung kembali bagi mengesan kemungkinan terdapat sebuah lagi gendang Dong Son di kawasan ini.


Artifek-Artifek yang diperolehi:-

A. Gendang Dong Son

Gendang ini diperolehi daripada penduduk kampung. Ini merupakan jumpaan yang ketiga (3) di negeri ini menjadikan jumlah artifek ini yang pernah dijumpai di Malaysia sehingga kini tujuh (7) buah. Bagaimanapun keadaan bahan bersejarah ini tidak seelok sebagaimana yang dijumpai di Sungai Lang, Kuala Langat, Selangor. Jumpaan ini membuktikan terdapat penempatan Zaman Gangsa (kira-kira 2,500 tahun lalu) di kawasan ini atau sekitarnya.




Bahagian dasar gendang Dong Son yang telah ditemui oleh penduduk kampung di Kampung Gaung, Jerneh, Besut.




Sebahagian daripada gendang Dong Son yang dijumpai oleh penduduk Kampung Gaung, Jerteh, Besut, Terengganu.

B. Emas


Terdapat 3 bentuk emas yang ditemui di kawasan ini iaitu bentuk kun, daun dan subang. Emas-emas ini diperolehi hasil daripada ayakan pasir di petak 'A'. Emas siap ini menunjukkan bahawa pada masa itu emas sudah menjadi logam berharga dan masyarakat ketika itu sudah pandai dalam seni ketukangan logam emas. Emas ini telah digunakan sebagai bahan perhiasan atau lambang kekayaan.



Ketulan emas berbentuk kun, dan subang yang ditemui di tapak galicari satu lagi petak di Kampung Gaung, Jerteh, Besut, Terengganu.



Emas Berbentuk Perada Rokok.



Alat Besi Bersoket yang ditemui di Kampung Gasing, Jerich, Besut, Terengganu.
Emas Berbentuk Perada Rokok.

C. Manik

Manik-manik yang dijumpai terdapat dalam berbagai saiz dan warna. Ada kemungkinan manik ini digunakan sebagai perhiasan ataupun bahan perantaraan (duit) untuk pertukaran (barter trade) memandangkan jumlah yang agak banyak.



Berbagai-bagai saiz dan warna manik yang dijumpai semasa kerja-kerja penggalian di Kampung Gaung, Jerleh, Besut, Terengganu pada Jun 1996.

D. Tembikar Tanah

Berdasarkan maklumat penduduk kampung tembikar-tembikar tanah yang diperolehi itu tersusun di dalam gendang Dong Son. Pada masa itu gendang Dong Son berkedudukan terlingkup dengan bahagian muka ke bawah. Tembikar yang diperolehi oleh penduduk kampung masih ada yang berkeadaan elok manakala hasil galicari hanya menemui serpihan sahaja. Hiasan yang terdapat pada tembikar hanyalah berbentuk garisan. Tembikar ini biasanya dijumpai pada zaman Neolitik.


Ketulan emas berbentuk kun, dan subang yang ditemui di tapak galicari Kampung Gaung, Jerleh, Besut, Terengganu.



*Serpihan tempayan yang dijumpai ketika penggalian di tapak galicari
Kampung Gaung, Jerteh, Besut, Terengganu.*

E. Besi Alat Bersoket (Tulang Mawas)

Kerja-kerja galicari arkeologi turut menjumpai alat besi bersoket (tulang



*Alat Besi Bersoket yang ditemui di Kampung Gaung, Jerteh, Besut,
Terengganu oleh orang-orang kampung pada 11 Mei 1996.*

mawas?) berbentuk seperti senjata (mata lembing) yang sudah berkarat dan melekat (bercantum) hingga sukar untuk menentukan jumlahnya. Sebelum itu seorang penduduk kampung juga telah menjumpai besi yang sedemikian semasa peristiwa menggali kubur. Beliau telah melebur besi berkenaan untuk dibuat pisau tetapi besi itu hancur. Pihak Muzium hanya memperolehi daripada beliau habuk serta serpihan yang sudah dilebur.

F. **Bijana Tembaga**


Bijana ini diperolehi daripada orang kampung. Keadaan masih kuat walaupun bahagian atasnya telah rosak.

Kesimpulan/Ulasan

Penemuan di Kampung Gaung secara tidak langsung membuktikan daerah Besut begitu berpotensi untuk kajian arkeologi yang lebih intensif. Sebelum ini pada 1985 satu lagi kawasan di daerah Besut iaitu Kampung Seberang Limbongan menjadi tumpuan ahli arkeologi ekoran penemuan tempayan-tempayan yang mengandungi tembikar tanah dan emas. Bahan purba ini dipercayai peninggalan orang Siam. Justeru itu dapat disimpulkan bahawa daerah ini memang kaya dengan tapak-tapak bersejarah yang menuntut untuk diterokai oleh pihak-pihak tertentu sebelum ditutupi dengan pembangunan.


PETAK A

TIMUR



PETAK C


SELATAN



4 CM
20 CM


PETAK C

UTARA




PETAK C

TIMUR




PETAK 1A

UTARA



PETAK 1A


BARAT



PETAK 1A

KERATAN RENTAS


SELATAN



PETAK 1A


BARAT

SELATAN



PETAK 1A


TIMUR



PETAK 1A

KERATAN RENTAS

BARAT



○ IBU KAYU

① 10 YR 4 / 6 DARK YELLOWISH BRO WN

② 10 YR 3 / 4 DARK YELLOWISH BRO WN

③ 10 YR 5 / 6 YELLOWISH BRO WN


④ 10 YR 6 / 6 BROWNISH YELLOW

⑤ 10 YR 7 / 4 VERY PALE YELLOW

PETAK 1A


KERATAN RENTAS

TIMUR




PETAK D1

SELATAN




PETAK D1

TIMUR




PETAK D1

BARAT






Tembikar Tanah Jenis Satu.



Tembikar Tanah Jenis Dua.



Tembikar Tanah Jenis Tiga.



Tembikar Tanah Jenis Empat.